

Innuttaasut peqqinnissaqarfillu akunnerminni tatigeqatigiinnerat ataqpeqatigiinnerallu annertusarnissaa anguniarlugu atorfillit atuisullu oqaloqatigiinnerat annertusarnissaa anguniarlugu peqqinnissaqarfinni immikkoortortaqarfinnilu tamani atuisut siunnersuisooqatigiivini pilersitsinissamut periarfissat misissornissai pillugit Naalakkersuisut peqquneqarnissaanik Inatsisartut aalajangiiffigisassaattut siunnersuut. Misissuineq aningaasatigut kingunissaanik nassuiaassaaq UKA2023-lu nallertinnagu tunioranneqassalluni.

(Inatsisartunut Ilaasortaq Anna Wangenheim, Demokraatit)

Akissuteqaat

(Peqqissutsimut Naalakkersuisoq)

Aappassaaneerneqarnera

Naalakkersuisut Ilaqutariinnermut Peqqissutsimullu Ataatsimiititaliaq aalajangiiffigisassatut siunnersuummik suliaqarnermut atatillugu sulillaarsimaneranik qutsavigaat.

Ataatsimiititaliap isumaqatigiissup allannguutissatut siunnersuusiorsimasut Naalakkersuisut maluginiarpaat. Ataatsimiititaliaq isumaliutissiisummini Peqqinnissaqarfiup atuisullu akornanni tatiginninnerup ataqqinninnerullu oqaloqatigiinnikkut peqataatitsinikkullu siuarsarneqarnissaa ukkatarivaat. Naalakkersuisut tatiginninnermik ataqqinninnermillu siuarsaasoqarnissaa isumaqatigaat.

Taamaattumik Naalakkersuisut ataatsimiititaliap aalajangigaa tusaatissatut tiguaat ataatsimiititaliallu allannguutissatut siunnersuutaa akuerineqarnissaa inassutigaat.